

# BESTELAKO XEDAPENAK

## HEZKUNTZA SAILA

### 2190

*AGINDUA, 2024ko apirilaren 30ekoa, Hezkuntzako sailburuarena, 2023-2024 ikasturteko Batxilergoko Sari Bereziatarako deialdia egiten duena.*

Hezkuntzari buruzko maiatzaren 3ko 2/2006 Lege Organikoak Batxilergoko irakaskuntzen arauketa berri bat ezartzen du, prestakuntza, adimen- eta giza heldutasuna, ezagutzak eta trebetasunak emateko, ikasleek gizarte-funtzioak gara ditzaten eta bizitza aktiboan erantzukizunez eta gaitasunez sar daitezzen.

23/2022 Errege Dekretua, apirilaren 5ekoa, Batxilergoko gutxieneko irakaskuntzak eta antolamendua ezartzen dituena, eta 76/2023 Dekretua, maiatzaren 30ekoa, Batxilergoko curriculuma zehaztu eta Euskal Autonomia Erkidegoan ezartzen duena, dira ikasketxeek beren hezkuntza- eta curriculum-proiektuak egiteko oinarritzko arau-oinarria.

Batxilergoa hezkuntza-etapa bat da, eta oinarritzko batasun bat mantentzen du prestakuntza orokorrean, jakintzagai komunen bidez, eta aniztasun-maila bat ahalbidetzen du, hura egitura-tzen duten modalitateak aukeratuz. Halaber, ondorengo ikasketetarako berariazko prestakuntza ematen du, izan unibertsitate-ikasketak, goi-mailako lanbide-heziketako zikloak edo arte-ikasketetakoak, eta lan-munduan sartzeko aukera ematen du.

Batxilergoko ikasketak amaitzean, ikasleek amaitu egin behar dute goi-mailako ikasketak hasi aurreko prestakuntza-etapa, eta Batxilergoko titulua lortu behar dute. Tradizioz, Batxilergoko Sari Bereziak deitu izan dira, ibilbide akademiko bikaina egin duten ikasleen ahalegina eta dedikazioa aitortzeko eta sustatzeko.

Hezkuntzari buruzko maiatzaren 3ko 2/2006 Lege Organikoak ezarritako Batxilergoko Sari Nazionalak arautzen dituen maiatzaren 4ko ECD/482/2018 Aginduak xedatzen duenez, Euskal Autonomia Erkidegoak Batxilergoko Sari Bereziak eman ahal izango ditu, deialdi-aginduak berak ezartzen dituen baldintzetan.

2024ko urtarrilaren 30eko Aginduak Batxilergoko Sari Bereziak arautzen ditu eta horiek Euskal Autonomia Erkidegoan emateko baldintzak ezartzen ditu. Beraz, egokia da agindu hau idaztea, 2023-2024 ikasturteko Batxilergoko Sari Bereziak arautu eta horietarako deialdia egiten duena.

Deialdi honen oinarri den dirulaguntza Hezkuntza Sailaren 2024rako Dirulaguntzen Plan Estrategikoan jaso da. Plan hori Hezkuntzako sailburuaren 2024ko urtarrilaren 24ko Aginduaren bidez onartu zen.

Dirulaguntzak arautzen dituen abenduaren 21eko 20/2023 Legean jasotako xedapenekin eta Euskal Autonomia Erkidegoko Aurrekontu Orokorren kontura ematen diren laguntzen eta dirulaguntzen esparruan zerga-betebeharrak eta Gizarte Segurantzarekikoak beteta daudela egiaztatzeari eta dirulaguntzak itzultzeari buruzko Ekonomia eta Ogasuneko sailburuaren 2023ko otsailaren 13ko Aginduarekin bat etorritik, eta Euskal Autonomia Erkidegoko 2024ko Aurrekontu Orokorren onartzen dituen abenduaren 22ko 21/2023 Legeak onartutako kredituak aintzakotzat hartuta aurrekontu-zuzkidura nahikoa badagoenez, Hezkuntzako sailburuordeak proposatuta, honako hau

#### EBAZTEN DUT:

Artikulu bakarra.– Batxilergoko Sari Bereziatarako oinarriak deitzea eta onartzea 2023-2024 ikasturterako, agindu honen I. eranskinean jasotako oinarriekin bat etorritik.

## AZKEN XEDAPENETAKO LEHENENGOA

Agindu honetan prozedurari buruz aurreikusi ez den guztirako, Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da.

## AZKEN XEDAPENETAKO BIGARRENA

Agindu honek amaiera ematen dio administrazio-bideari, eta, beronen aurka, interesdunek aukerako berraztertze-errekurtsoa aurkeztu ahal izango diote Hezkuntzako sailburuari, hilabeteke epean, agindua Euskal Herriko Agintaritzaren Aldizkarian argitaratu eta hurrengo egunetik aurrera; bestela, administrazioarekiko auzi-errekurtsoa aurkeztu ahal izango dute Euskal Autonomia Erkidegoko Justizia Auzitegi Nagusiko Administrazioarekiko Auzien Salan, bi hilabeteke epean, agindua EHAAn argitaratu eta hurrengo egunetik aurrera.

## AZKEN XEDAPENETAKO HIRUGARRENA

Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoarekin eta Datuak Babesteko Euskal Agintaritzaren abenduaren 21eko 16/2023 Legearekin bat etorritz, deialdi honetako parte-hartzaileek baimena ematen dute deialdi hau izapidetzean jasotako datu pertsonalak tratatu eta argitaratzeko. Datuok, bestalde, Batxilergoko Sari Bereziak izeneko fitxategi batean sartuko dira, deialdi hau eta, hala badagokio, Batxilergoko Sari Nazionalak kudeatzeko eta deialdira biltzen direnei deialdiaren garapenaren berri emateko. Ikastetxe eta Plangintza Zuzendaritza da fitxategi horren arduraduna. Datuetan sartzeko, datuak zuzentzeko, datuak ezerezteko eta datuen aurka egiteko eskubideak baliatzeko, Ikastetxe eta Plangintza Zuzendaritzara jo beharko da, honako helbide honetara: Donostia kalea 1, 01010 Vitoria-Gasteiz.

## AZKEN XEDAPENETAKO LAUGARRENA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2024ko apirilaren 30a.

Hezkuntzako sailburua,  
JOKIN BILDARRATZ SORRON.

## I. ERANSKINA

2023-2024 IKASTURTEKO BATXILERGOKO SARI BEREZIEN DEIALDIAREN OINARRI  
ARAUTZAILEAK

Lehenengoa.– Xedea eta aplikazio-eremua.

2023-2024 ikasturteari dagozkion Batxilergoko 16 Sari Bereziarako deia egiten da, deialdi honetan ezarritako baldintzetan.

Bigarrena.– Ikasleek proba egiteko bete beharreko baldintzak.

1.– Batxilergoko Sari Bereziak jaso ahal izango dituzte 2024ko urtarrilaren 30eko Aginduaren 3. artikuluan ezarritakoa betetzen duten ikasleek.

2.– Baldintza akademikoak ofizioz egiaztatuko dituzte ikastetxeek, ikasleak Hezkuntza Sailak horretarako duen aplikazio informatikoan inskribatzerakoan.

3.– Zerga-betebeharrak, Gizarte Segurantzarekikoak eta dirulaguntza itzultzeari dagozkionak betetzen direla egiaztatzeko, erantzukizunpeko adierazpena aurkeztu beharko da.

Hirugarrena.– Izena emateko prozedura eta epea.

1.– Batxilergoko bigarren mailako amaierako ebaluazio-saioa egin eta ikasleei amaierako kalifikazioak jakinarazi ondoren, ikastetxeek Batxilergoko Sari Bereziak aurkezteko aukeraren berri emango diete agindu honetan ezarritako betekizunak eta baldintzak betetzen dituzten ikasleei.

2.– Batxilergoko Sari Bereziak arautzen dituen eta sari horiek emateko baldintzak ezartzen dituen 2024ko urtarrilaren 30eko Aginduan ezarritako baldintzak betetzen dituzten ikasleek, Batxilergoko Sari Bereziak eskuratu nahi badituzte, beraien ikastetxeko idazkaritzan aurkeztuko dute izena emateko eskabidea, behar bezala sinatuta, eta bertan ikaslearen erantzukizunpeko adierazpen bat jasoko da, III. eranskineko ereduaren arabera, honako hauek egiaztatzeko:

a) Ez dagoela Dirulaguntzen Araubidea erregulatzen duen abenduaren 21eko 20/2023 Legean aurreikusitako egoeretako batean, besteak beste:

– Dirulaguntzak itzultzeko betebeharrak ordainduta ez izatea.

– Zigor- eta administrazio-arloan dirulaguntza edo laguntza publikoak lortzeko aukera galtzearekin zigortuta ez egotea, edo horretarako ezgaitzen duen legezko debekuaren eraginpean ez egotea.

b) Eskatutako dirulaguntzaren xede den deialdiaren oinarriak onartzen dituela.

c) Eskabideko datuak egiazkoak direla.

3.– Ikastetxeko idazkaritzak sarrera-erregistroa emango dio eskabideari, eta ikastetxeko zuzendariak digitalki sinatutako kopia bat emango dio ikasleari. Hezkuntza Sailak horretarako ezarri duen aplikazioaren bidez izapidetzeaz arduratuko da.

4.– Eskatzaile bakoitzak sinatutako inskripzio-formularioa ikasleari dagokion ikastetxeko idazkaritzan gordeko da, probaren epaimahaiaren eskura. Epaimahaiak dokumentazio hori eskatu ahal izango du probak irauten duen bitartean edo proba amaitu ondoren. Era berean, ikastetxeak ziurtagiri akademikoa erantsiko dio eskabideari, behar bezala beteta eta ikastetxeko zuzendariak sinatuta.

5.– Desgaitasunen bat duten ikasleek, proba egiteko egokitzapen jakin bat behar badute, III. eranskinean aipatzen den dokumentazioa aurkeztu beharko dute eskabidearekin batera.

6.– Eskabideak egiteko epea amaitu eta hurrengo egunean, ikastetxe bakoitzak iragarki-taulan argitaratuko du izena eman duten ikasleen zerrenda.

7.– II. eranskinean zehazten den egunean argitaratuko da <https://www.euskadi.eus/batxilergo-ko-sari-bereziak/web01-a3hakade/eu/> helbidean onartutako eta baztertutako ikasleen behin-behineko zerrenda, arrazoia eta egon daitezkeen akatsak edo omisioak zuzentzeko epea adieraziz, Administrazio Publikoen Administrazio Prozedura Erkidearen urriaren 1eko 39/2015 Legearen 68. artikulua arabera.

8.– Epaimahaiburuari zuzendu ahal izan zaizkion akatsak edo omisioak zuzentzeko epea amaitu ondoren, Hezkuntza Sailaren web-orrian argitaratuko da onartutako eta, hala badagokio, baztertutako ikasleen behin betiko zerrenda, baztertutako arrazoia adierazita.

9.– Deialdi honetan aurreikusitako datak eta jarduerak jasotzen dituen egutegia II. eranskinekoa da.

Laugarrena.– Epaimahaia.

1.– Funtzionamendu-arauak betetzeko eta probaren ebaluazioa egiteko, epaimahai bat eratuko da, kide hauek izango dituenak:

- Epaimahaiburu gisa jardungo duen ikuskari bat.
- Epaimahaiko idazkari gisa jardungo duen ikuskari bat.
- 19 irakasle funtzionario, proban ebaluatu beharreko gai guztietan gai direnak.

2.– Epaimahaiaren eraketa jendaurrean jarriko da II. eranskinean agertzen den probaren eguna baino 15 egun lehenago.

Bosgarrena.– Probaren edukia eta balorazioa.

1.– Batxilergoko Sari Bereziak eskuratu nahi dituzten ikasleek euskaraz edo gaztelaniaz egin ahal izango dute proba, eskabidean egindako aukeraren arabera.

2.– Epaimahaiak prestatuko ditu probak, eta honela egituratuko dira:

a) Lehenengo zatia: Modalitateari dagokion derrigorrezko jakintzagaia: idatziz ebaztea Batxilergoko 2. mailako modalitateko derrigorrezko irakasgaiaren edukiei buruzko galderak edo ariketa praktikoak, izena emateko eskabidearen III. eranskinean agertzen direnak.

b) Bigarren zatia:

1.– Gaztelania eta Literatura edo Euskara eta Literatura: testu orokor, zientifiko edo literario bati buruzko idazlana eta/edo iruzkina, gaztelaniakoa edo euskarakoa, parte-hartzaileak izena emateko eskabidean egindako aukeraren arabera.

2.– Atzerriko hizkuntza: Batxilergoko bigarren mailan derrigorrezkoa den atzerriko hizkuntzako testu orokor, zientifiko edo literario bati buruzko idazlana eta/edo iruzkina. Ariketa dagokion hizkuntzan egingo da. Ezin izango da hiztegiarik erabili.

3.– Agindu honen 6.5 artikuluan ezarritakoa eragotzi gabe, ariketetan honako hauek baloratuko dira: erantzunen zuzentasuna, azalpenaren eta/edo ekoizpenaren argitasuna eta kalitatea, egituraketa, hiztegiaren jabetza eta hizkuntzaren zuzentasuna.

4.– Hautagaiak izena emateko inprimakian aldez aurretik hautatu dituen probako jakintzagai edo aukeretan ez da inolako aldaketarik onartuko.

5.– Probako ariketa bakoitza 0 eta 10 puntu artean kalifikatuko da, bi dezimalekin gehienez ere. Probaren azken kalifikazioa honela kalkulatu da: lehenengo zatiko ariketan (Modalitateko nahi-taezko irakasgaia) lortutako kalifikazioa bider bi, gehi bigarren zatiko ariketa bakoitzean lortutako kalifikazioen batura.

6.– Saria eskuratu ahal izateko, izangaiek gutxienez 5 puntu lortu beharko dituzte ariketa bakoitzean, eta 32 puntutik gorako kalifikazio orokorra.

7.– Proban kalifikazio altuena lortu duten hautagaiei emango zaizkie sariak.

8.– Berdinketarik egonez gero, lehenengo, bigarren eta hirugarren ariketetan lortutako puntuaziorik onena hartuko da kontuan, hurrenkera horretan. Berdinketak bere horretan badirau, Batxilergoko batez besteko notaren bidez ebatziko da, eta, hala ere, horrela jarraitzen badu, zozketa bidez ebatziko da, eta epaimahaiburuak horren berri emango du.

9.– Ariketak anonimoak izango dira, eta epaimahaiburuak hartu beharko ditu anonimotasuna bermatzeko neurri egokiak.

10.– Deialdi honetan, hauxe izango da ariketen denbora-banaketa:

Lehen zatia	90 minutu
Etenaldia	30 minutu
Bigarren zatia	120 minutu

Seigarrena.– Probak egitea.

1.– Proba EAerako bakarra izango da, eta II. eranskinean ageri den egoitzan, egunean eta orduan egingo da.

2.– Proba egiteko, izangaiek NAN, AIZ edo Pasaporteak aurkeztu beharko dute, bai eta probako ariketak egiteko behar diren tresnak ere, IV. eranskinean ezarritakoaren arabera.

3.– Epaimahaiak legezko gaitasuna du ariketetan jarraitu beharreko etika-, errespetu- eta ordena-arauak betetzen ez dituen ikaslea probatik kanpo uzteko. Baztertzeko jakintzagai guztietan 0 puntu ateratzea dakar.

4.– Hala ere, epaimahaiak komenigarritzat jotzen badu, aurreko puntuetako edozein zehaztapen jakinaraziko du, jarraibide gehigarrien bidez, behar besteko aurrerapenaz Hezkuntza Sailaren web-orrian.

5.– Proba egin aurretik, Hezkuntza Sailaren webgunean argitaratuko dira ariketa bakoitzaren ebaluazio- eta kalifikazio-irizpideak.

6.– Deialdi honi buruzko informazioa Hezkuntza Sailaren webgunean argitaratuko da:

<https://www.euskadi.eus/batxilergoko-sari-bereziak/web01-a3hakade/eu/>

Zazpigarrena.– Kalifikazioak argitaratzea.

1.– Parte-hartzaileek Ikasgunearen bidez kontsultatu ahal izango dituzte emaitzak: <https://ikasgunea.euskadi.eus/eu/>

2.– Batxilergoko Sari Bereziak arautzen dituen eta horiek emateko baldintzak ezartzen dituen urtarrilaren 30eko Aginduak 7. artikuluan ezartzen duenez, behin-behineko kalifikazioei alegazioak egin ahal izango zaizkie behin-behineko kalifikazioak argitaratu eta bost egun balioduneko epean.

3.– Alegazioak eta/edo akatsak konpondu ondoren, saritutako izangaien proposamena argitaratuko da Hezkuntza Sailaren webgunean.

Zortzigarrena.– Ebazpena.

1.– Deialdia Hezkuntzako sailburuordeak ebatziko du, epaimahaiak proposatuta. Eskabideak aurkezteko epea amaitu eta gehienez ere hiru hilabeteko epean ez bada ebazpenik jakinarazi, eskabideak ezetsizat jo ahal izango dira, Dirulaguntzen Araubidea Erregulatzeko abenduaren 21eko 20/2023 Legearen 22.5 artikuluan xedatutakoaren arabera. Sarituei ebazpena jakinarazteaz gain, ebazpen hori eta behin betiko zerrenda Euskal Herriko Agintaritzaren Aldizkarian eta Hezkuntza Sailaren web-orrian argitaratuko dira, guztiek horren berri izan dezaten.

2.– Jakinarazten den ebazpenaren aurka, edo ebazteko epea igarota berariazko ebazpenik eman ez bada, interesdunek gora jotzeko errekurtsioa aurkeztu ahal izango diote Hezkuntzako sailburuari, Administrazio Publikoen Administrazio Prozedura Erkidearen urriaren 1eko 39/2015 Legearen 122. artikuluan xedatutakoaren arabera.

## II. ERANSKINA

## JARDUEREN EGUTEGIA. 2023-2024 IKASTURTEA

Maiatzaren 1. hamabostaldia	2023-2024ko ikasturterako Batxilergoko Sari Bereziak deitzen dituen Agindua argitaratzea EHAAn
Maiatzaren 20tik 24ko 14:00ak arte	Hautaprobetan parte hartuko duten ikasleen izen-ematea Hezkuntza Sailaren web-orriko aplikazioan
Maiatzaren 27a	Probetarako onartutako eta baztertutako ikasleen behin-behineko zerrenda argitaratzea Hezkuntzaren web-orrian
Ekainaren 7ko 10:00ak arte.	Probetarako onartutako eta baztertutako ikasleen behin-behineko zerrendaren kontrako alegazioak aurkeztea
Ekainaren 7ko 13:00etan	Probetarako onartutako eta baztertutako ikasleen behin betiko zerrenda argitaratzea
Ekainaren 7ko 14:00etan	Gelen eta eserlekuen zerrenda
Ekainaren 13a	Proba egitea: Bilboko Ingeniaritza Eskola Torres Quevedo Ingeniari plaza, 1 48013 Bilbao Ordutegia: Deia: 09:45 Lehen zatia: 10:00-11:30 Atsedena: 11:30-12:00 Bigarren zatia: 12:00-14:00
Ekainaren 20a	Behin-behineko kalifikazioak argitaratzea Norberaren noten kontsultak
Ekainaren 27ko 10:00ak arte	Behin-behineko kalifikazioen kontrako alegazioak aurkeztea
Uztailaren 2a	Behin betiko kalifikazioak argitaratzea Norberaren noten kontsultak Ikasle saridunen proposamena
2024ko uztailaren 2tik aurrera	Ikastetxe eta Plangintzaren zuzendariaren ebazpena EHAAn

2024ko maiatzaren 9a, osteguna

III. ERANSKINA  
IZENA EMATEKO ESKABIDEA

DATU PERTSONALAK			
NAN/AIZ		Jaioteguna: uu/hh/ee:	
Sexua: <input type="checkbox"/> G <input type="checkbox"/> E		Izena:	
1. abizena		2. abizena:	
Helbidea:		Batez besteko nota:	
Zk.:	Solairua:	Letra:	LH:
Udalerria:	PK:	Harremanetarako telefonoa:	
ABISU TELEMATIKOETARAKO DATUAK			
Telefono mugikorra:	Posta elektronikoa:	Jakinarazpenetarako hizkuntza <input type="checkbox"/> Euskara <input type="checkbox"/> Gaztelera	
EGINDAKO IKASKETAK			
Batxilergoko ikasketak zer ikastetxetan amaitu zenituen:			
LH:	Udalerria:	PK:	
Batxilergoko 2. mailan ikasitako atzerriko lehen hizkuntza		<input type="checkbox"/> Ingelesa <input type="checkbox"/> Frantsesa <input type="checkbox"/> Alemana	
Egindako Batxilergoko modalitatea		Zientziak eta Teknologia	
		Giza eta Gizarte Zientziak <input type="checkbox"/> Giza Zientziak <input type="checkbox"/> Gizarte Zientziak	
		Arteak: <input type="checkbox"/> Arte Plastikoak, Irudia eta Diseinua. <input type="checkbox"/> Musika eta Arte Eszenikoak	
		Orokorra	
PROBA ZEIN HIZKUNTZATAN EGIN NAHI DUZUN			
<input type="checkbox"/> Gaztelania		<input type="checkbox"/> Euskara	
DESGAITASUNIK IZANEZ GERO AURKEZTUTAKO DOKUMENTAZIOA			
<input type="checkbox"/> Minusbaliotasunaren ziurtagiria		<input type="checkbox"/> Irizpen tekniko-fakultatiboa	
<input type="checkbox"/> Orientazio Zerbitzuaren txostena eta Berritzegunearen txostena			
<input type="checkbox"/> Beste egokitzapen mota bat (denbora eta bitartekoak). Zehaztu:			
PROBAREN LEHEN ZATIRAKO AUKERATUTAKO IKASGAIK ADIERAZI MODALITATEAREN/IBILBIDEAREN BEREZKO IKASGAIA (Batxilergoko 2. mailan egina)			
<input type="checkbox"/> Matematika II <input type="checkbox"/> Gizarte zientziei aplikatutako matematika II		Zientziak eta Teknologia	
<input type="checkbox"/> Latina II		Giza zientziak	
<input type="checkbox"/> Gizarte zientziei aplikatutako matematika II		Gizarte-zientziak	
<input type="checkbox"/> Marrazketa Artistikoa II		Arte Plastikoak, Irudia eta Diseinua	
<input type="checkbox"/> Analisi Musikala II <input type="checkbox"/> Arte Eszenikoak II		Musika eta Arte Eszenikoak	
<input type="checkbox"/> Zientzia orokorrak		Orokorra	
PROBAREN BIGARREN ZATIRAKO AUKERATUTAKO IKASGAIK			
A ariketa		B ariketa	
<input type="checkbox"/> Gaztelania eta Literatura II <input type="checkbox"/> Euskara eta Literatura II		<input type="checkbox"/> Ingelesa <input type="checkbox"/> Frantsesa <input type="checkbox"/> Alemana	



ESKATZEN DUT 2023-2024 ikasturteko Batxilergoko sari bereziak lortzeko probetan parte hartzea.

**ADIERAZTEN DUT**

Batxilergoko Sari Bereziatarako deialdiaren oinarriak onartzen ditut.

Ez nago Dirulaguntzen Araubidea Erregulatzeko abenduaren 21eko 20/2023 Legearen 13.2 artikuluan aurreikusitako egoeren artean, besteak beste:

- Dirulaguntzak itzultzeko betebeharrak ordainduta ez izatea.
- Zigor- eta administrazio-arloan dirulaguntza edo laguntza publikoak lortzeko aukera galtzearekin zigortuta ez egotea, edo horretarako ezgaitzen duen legezko debekuaren eraginpean ez egotea.

Eskabideko datuak egiazkoak direla.

Datuen babesari buruzko oinarritzko informazioa

Zure datu pertsonalak tratatu eta "Ikaskuntzaren eta hezkuntza-berrikuntzaren arloko laguntzak eta dirulaguntzak" izeneko tratamendu-jardueran sartuko dira.

- **Arduraduna:** Ikastetxe eta Plangintza Zuzendaritza, Hezkuntza Saila
- **Helburua:** Hezkuntza-bikaintasuna aitortzea eta sustatzea.
- **Legitimazioa:**
  - o Interes publikoaren izenean edo tratamenduaren arduradunari emandako botere publikoen izenean burututako eginkizun bat betetzeko beharrezkoa den tratamendua.
- **Hartzaileak:**
  - o Ekonomia eta Ogasun Saila, ikastetxe publikoak eta itunpeko ikastetxeak.
- **Eskubideak:** eskubidea duzu datuak eskuratzeko, zuzentzeko eta ezabatzeko, bai eta informazio gehigarrian jasotzen diren beste eskubide batzuk ere.
- **Informazio gehigarria:** Gure webgunean kontsulta dezakezu datuen babesari buruzko informazio gehigarri eta zehatza: [www.euskadi.eus/informazio-klausulak/web01-sedepd/es/transparencia/050400-capa2-es.shtml](http://www.euskadi.eus/informazio-klausulak/web01-sedepd/es/transparencia/050400-capa2-es.shtml)

Araudia:

- **Datuak Babesteko Erregelamendu Orokorra** ([eur-lex.europa.eu/legal-content/ES/TXT/HTML/?uri=CELEX:32016R0679&from=ES](http://eur-lex.europa.eu/legal-content/ES/TXT/HTML/?uri=CELEX:32016R0679&from=ES))
- **3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa** ([www.boe.es/buscar/doc.php?id=BOE-A-2018-16673](http://www.boe.es/buscar/doc.php?id=BOE-A-2018-16673))

.....(e) n, 202... ko.....aren .....(e) (a) n.

AITA, AMA EDO LEGEZKO TUTOREA  
(Ikasle adingabeen kasuan soilik)  
Izpta.:

INTERESDUNA  
Izpta.:

Eskaera honekin lotutako edozein kontsulta egiteko, ikasten duen ikastetxera jo beharko du ikasleak.

## IV. ERANSKINA

## AZTERKETA EGITEKO JARRAIBIDEAK ETA ZEHAZTAPENAK

Erabateko puntualtasuna eskatzen da.

Matrikula egin eta gero, ezingo da irakasgairik aldatu.

Ikasle bakoitzak gela bat eta jarleku-zenbaki bat izango ditu, eta bertan egingo du azterketa. Gelan sartzean, bere jarlekua eta zenbakia zein diren esango zaio. Hori izango da bere lekua azterketa osoan zehar, probaren bi zatietan.

Ikasleak bere nortasun-agiria (NAN, pasaporte, bizileku-txartela...) mahai gainean jarri beharko du, eta ikusgai egongo da probak dirauen artean.

Lehenengo ariketa hasi baino lehen, ikasleriari bere datu pertsonalak, zein irakasgaitan matrikulatuta dagoen eta ariketa bakoitzean erabili beharko duen kodea jasotzen dituen orri bat emango zaio. Azterketaren orrian, espazio bat dago kode horrentzat. Akatsen bat atzeman ez gero, ikasleak berehala jakinarazi beharko dio Epaimahaiari.

Tinta beltzez edo urdinez egin behar dira ariketak, Epaimahaiak kontrakorik adierazi ezean.

Probaren konfidentzialtasuna bermatzeko, ezingo da izena idatzi ez inongo identifikazio-seinalerik utzi azterketa-orrian, salbu aipatu identifikazio-kodea, harentzako gordetako lekuan. Jarraibide hori ez betetzeak hautagaia baztertzea ekarriko du.

Nahiz eta azterketa zurian entregatu, identifikazio-kodea jarri beharko du. Azterketa hasi eta 15 minutu igaro arte, ezingo da ikasgelatik atera. Ariketa bakoitzaren hasierako 15 minutuak iraganda, ez zaio ikasle bakar bati ere sartzen utziko, epaimahaiburuak baimentzen dituen salbuespen-kasuetan izan ezik.

Azterketaren bigarren zatian, hizkuntza ofizialeko ariketak –euskara/gaztelania– eta atzerriko hizkuntzakoak aparteko orrietan egin beharko dira.

Probaren irakasgai bakoitzaren berezko ezaugarriei dagokienez, honako hauek hartu beharko dira kontuan:

– Gaztelania eta Literatura II, Euskara eta Literatura II eta Atzerriko Hizkuntza II: ezin da hiztegirik erabili.

– Matematika II eta Gizarte Zientziei Aplikatutako Matematika II: kalkulagailu zientifikoa eta marrazketarako tresnak (erregela, konpasa...) erabili ahal izango dira. Baimendutako kalkulagailuek ezin izango dute prestazio hauetako bakar bat ere eskaini: pantaila grafikoa; datuak transmititzeko aukera; programagarria izan; ekuazioak ebatzi; matrize-eragiketak egin; determinante, deribatu eta integralak kalkulatu, eta datu alfanumerikoak gorde.

– Latina II: hiztegia erabili ahal izango da. Latinezko hiztegi batzuek gramatika-gehirria izaten dute (deklinabide-taulak eta aditzak...). Baimenduta dago gehigarri hori erabiltzea; ez du axola hiztegian bertan txertatuta dagoen edo aparteko koadernotxo bat den. Gainera, bi hiztegi erabili ahal izango dira aldi berean: latina-gaztelania eta latina-euskara.

– Marrazketa Artistikoa II: Derrigorrezko materiala: DIN A3-ko (29,7 cm x 42 cm) paper zuria edo kolore bateko monokromo papera, gogortasun ezberdinetako grafitozko arkatzak eta barrak, borragoma, ikatza, ikatza ezabatzeko goma berezia, trapuak eta teknika lehorrak erabiltzeko kolore aplikagarriak (teknika lehorrak: diluitzaile gehigarriak behar ez dutenak, ez ura oinarri dutenak ez kimikoki eginda daudenak), alde batera utzita ur-deposituak dituztenak eta pote gehigarriak behar ez

duinak. Erregelak eta eskuairak. Beste material eta tresna mota batzuk, norberaren adierazpen-lehentasunaren arabera.

Honako hauek baztertu egiten dira:

Disolbatzaile likido osagarriak edo kanpokoak behar dituzten teknikak (ura, alkohola, trementina, agoarrasa, disolbatzaile sintetikoak, etab.), baina disolbatzailea erantsita daramaten materialak onartzen dira (errotuladoreak, pintzel puntako errotuladoreak, boligrafoak, etab.).

Ez da erabiliko kolarik ez finkatzailerik ez lurruntzearen bidez aplikagarriak diren beste produktu batzuk, ez material lurrunkorrik, ezta aurrez landutako paperik ere.

Era berean, ez da erreferentziako irudirik erabiliko, ez digitalik, ez inprimaturik, azterketaren enuntziatuan agertzen ez denik, ezta gailu elektronikorik, telematiko finkorik edo mugikorrik ere.

- Analisi Musikala II: ez da berariazko inongo materialik behar proba egiteko.
- Arte Eszenikoak II: ez da berariazko inongo materialik behar proba egiteko.
- Zientzia orokorrak: ez da berariazko inongo materialik behar proba egiteko.

Probaren atal bakoitza amaitu eta gero, ikasleak eskua altxatuko du eta itxarongo du Epaimahaiko arduradunen batek azterketetan erabilitako orri guztiak (zirriborroak barne) jaso eta gelatik ateratzeko baimena eman arte. Azterketa zurian uzten bada ere bete behar da jarraibide hau.

Erabat debekatuta dago informazioa biltegitatu edo erreproduzitu dezaketen telefono mugikorrik eta tresna elektronikoak erabiltzea; kanporatzeko arrazoi izango da horiek erabiltzen saiatze hutsa.

Ariketetan jarraitu beharreko etika-, errespetu- eta ordena-arauak betetzen ez dituen probatik baztertzeko legezko gaitasuna du Epaimahaiak. Baztertzeak irakasgai guztietan 0 kalifikazioa ateratzea dakar berarekin.

Bertaratze-agiri bat eskatu ahal izango dio ikasleak Epaimahaiari.

Oharra: saria eskuratzeko aukera izateko, ariketa bakoitzeko kalifikazioa 5,00 puntu edo gehiagokoa izan beharko da, eta 32 puntu baino gehiago lortu beharko dira probaren kalifikazio osoan. Ikasleren batek zurian entregatzen badu ariketa bat, ariketa horretan 0 kalifikazioa emango zaio, eta, ondorioz, saria eskuratzeko aukera galduko du.